



NAFARROAKO PARLAMENTUKO

ALDIZKARI OFIZIALA

VIII. legegintzaldia

Iruña, 2012ko otsailaren 1a

12. ZK.

A U R K I B I D E A

A SAILA:

Foru lege proiektuak:

—Foru Lege proiektua, pertsona fisikoen errentaren gaineko zergan aldi baterako karga osagarri bat ezarri eta zenbait atxikipen eta konturako diru-sarrera aldatzen dituen (2. or.).

E SAILA:

Jabeldurak, mozioak eta adierazpen politikoak:

—Mozioa. Horren bidez, Nafarroako Gobernua premiatzen da urriaren 6ko 1/2011 Foru Dekretu-Legearen aurretik zegoen bateragarritasunari euts diezaion mendetasunerako laguntzetan. Gizarte Politika, Berdintasun, Kirol eta Gazteria Batzordeak bazter utzia (8. or.).

A saila:
FORU LEGE PROIEKTUAK

Foru Lege proiektua, pertsona fisikoen errentaren gaineko zergan aldi baterako karga osagarri bat ezarri eta zenbait atxikipen eta konturako diru-sarrera aldatzen dituen.

Nafarroako Parlamentuko Mahaiak, 2012ko urtarrilaren 30ean egindako bilkuran, erabaki hau hartu zuen, besteak beste:

Nafarroako foru eraentza berrezarri eta hobetzeari buruzko Lege Organikoaren 19.1.a) artikulua aitortzen dion legegintzarako ekimena erabiliz, Nafarroako Gobernuak, 2012ko urtarrilaren 25ean hartutako erabakiaren bidez, Nafarroako Parlamentura igorri du pertsona fisikoen errentaren gaineko zergan aldi baterako karga osagarri bat ezarri eta zenbait atxikipen eta konturako diru-sarrera aldatzen dituen Foru Lege proiektua.

Hori horrela, Legebiltzarreko Erregelamenduko 158. artikuluan ezarritakoarekin bat, eta Eledunen Batzarrari entzun ondoren, hona

ERABAKIA:

1.- Pertsona fisikoen errentaren gaineko zergan aldi baterako karga osagarri bat ezarri eta zenbait atxikipen eta konturako diru-sarrera aldatzen dituen Foru Lege proiektuaren izapidetzea zuzenekoa eta irakurketa bakarrekoa izateari buruzko erabakia Osoko Bilkuraren esku jartzea.

2.- Zuzenketak aurkezteko epe bat irekitzea, eztabaidari ekiteko Osoko Bilkuraren egunaren aurrekoaren eguerdiko hamabietan bukatuko dena. Zuzenketak Legebiltzarreko Mahaiari aurkeztu beharko zaizkio.

3.- Aipaturiko proiektua Nafarroako Parlamentuko Aldizkari Ofizialean argitara dadin agintzea.

Iruñean, 2012ko urtarrilaren 30ean

Lehendakaria: Alberto Catalán Higuera

Foru Lege proiektua, pertsona fisikoen errentaren gaineko zergan aldi baterako karga osagarri bat ezarri eta zenbait atxikipen eta konturako diru-sarrera aldatzen dituen

Foru lege proiektuak funtsezko bi arrazoi ditu oinarritzat. Alde batetik, pertsona fisikoen errentaren gaineko zergan, estatuko kuota osoari aldi baterako karga osagarri bat ezarri izana araubide komuneko lurraldean. Eta bestetik, Foru Komunitatearen diru-sarrera publikoak finkatu eta sendotu beharra, defizit publikoaren helburua lortzea iristeko moduko asmo argia izan dadin, kontuan hartuta egungo testuingurua, non, nazioko nahiz nazioarteko koiuntura ekonomikoan, batez ere gure inguruko herrialdeetan, jarduera moteltzen joateko joera nabarmena baitago, azken pronostikoei esker ezagutu ditugun datuen arabera.

Lehendabiziko arrazoiari dagokionez, Foru Komunitateak bere zerga araubideari eutsi eta hura ezarri eta arautzeko eskumena duela gogoratu behar da, Nafarroako Foru Eraentza Berrezarri eta Hobetzeari buruzko abuztuaren 10eko 13/1982 Lege Organikoan aitortua eta Estatuarekin izenpetutako Hitzarmen Ekonomikoan garatua; hain zuzen ere, lege testu horretan xedatzen denez, Foru Komunitateak Estatuan dagoen egiazko presio fiskal orokorraren baliokidea ezarri eta mantenduko du. Agindu hori garatu eta xehetasun guztiekin zehaztu ez bada ere, berarekin dakar Nafarroan ezin zaiola ezikusiarrena egin pertsona fisikoen errentaren gaineko zergaren estatuko kuota osoari araubide komuneko lurraldean ezarri zaion karga osagarriak zerga-kargan eragin duen igoera nabarmenari. Defizit publikoa zuzentzeko, aurrekontu, zerga eta finantza arloetan presako neurriak onesteari buruzko abenduaren 30eko 20/2011 Errege Lege-dekretuaren bidez ezarri da karga osagarri hori 2012ko eta 2013ko zergaldietarako.

Zalantzarik gabe, pertsona fisikoen errentaren gaineko zergaren funtsezko elementuen sakoneko aldaketa batek, kasu honetan, karga-eskalarenak, ondorio nabarmenak ditu zergadun gehienek jasan beharreko zerga zamaren zenbatekoan eta banaketan, kontuan hartuta, gainera, tributu honen izaera orokorra, zuzena eta pertsonala. Ukaezina da pertsona fisikoen errentaren gaineko zerga dela tributu-araubide ororen enblema nagusia da, eta agerian geratzen dela, bertan, sistema fiskalak nola islatzen dituen errealitatearen gainean gaitasun ekonomikoaren eta tributu progresibitatearen printzipioak. Horregatik guztiagatik, Foru Komunitateak arlo honetan erabateko eskumena duela ukatu gabe, Hitzarmen Ekonomikoan harmonizatorako ezarritako irizpide orokorrekin bat, bereziki presio fiskal baliokidea mantentzekoa, beharrezkoa da kontuan hartzea zerga horri dagokionez araubide komuneko lurraldean gertatu diren aldaketak.

Diru-sarrera publikoen premiazko sendotzeaz den bezainbatean, gogoratu behar da Nafarroako 2012ko Aurrekontu Orokorrei buruzko memorian ohartarazten zela aurrekontu hauen testuinguru ekonomiko eta finantzarioa zaila izanen zela, ohi ez bezain zaila. Gure inguruko herrialdeetako hazkunde prebisioak, oraintsu jakinarazi direnak, 2011. urtearen amaieran zeudenak baino askoz ezkorragoak dira, eta Foru Komunitateari ere eragiten diote, are gehiago kontuan hartuta gure ekonomia kanpoko eskaeran oinarritzen dela. Egoera horrek, bistan da, zergetatik datozkigun diru-sarrierei ere eraginen die eta, beraz, deficit publikoaren helburua lortzea baldintzatuko du. Horrexegatik, arrazoizkoa eta zentzuzkoa da eskatzea nafar zergadunei ahalegin gehigarria egin dezaten, Foru Komunitatearen aurrekontuen oreka bermatzearen, horrek lagunduko baitu Nafarroako sektore publikoari sinesgarritasuna ematen, eta oinarri sendoak finkatzen jarduera ekonomikoaren etorkizuneko garapenerako eta enplegua sortzeko.

Foru lege proiektuaren egitura bi artikuluk osatzen dute. Lehenengo artikulua aldatu egiten du ekainaren 2ko 4/2008 Legegintzako Foru Dekretuaren bidez onetsi zen Pertsona Fisikoen Errentaren gaineko Zergari buruzko Foru Legearen Testu Bategina. Lehen idatz-zatiak aldaketa bat egiten du zerga-oinarri orokorraren karga-eskalan. 45.480 eurotik 88.000 eurora doan tartea bitan egin da, eta bi tarte berri sortu dira. Lehendabiziko tartean sartuta daude 45.480 eurotik 53.407 eurora bitarteko likidazio oinarriak, eta % 40ko karga-tasarekin zergapeturik egonen da. Bigarrenean, berriz, 53.480 eurotik 88.000 eurora bitarteko likidazio oinarriak daude sartuta, eta karga-tasa % 42koa izanen da. Karga-eskalaren aldaketa honek ondo-

riok izanen ditu 2012an amaitzen diren zergaldietan, foru lege honek indarra hartu ondoren, eta 2013an amaitzen direnetan.

Artikulu honen bigarren idatz-zatiak karga osagarri bat ezartzen du zergaren kuota osoan, eta, aurreko kasuan bezala, ondorioak izanen ditu 2012an amaitzen diren zergaldietan, foru lege honek indarra hartu ondoren, eta 2013an amaitzen direnetan. Hortaz, zergaren kuota osoak, hau da, likidazio oinarri orokorrari eta aurrezkiaren oinarri bereziari dagozkien tasen aplikaziotik sortutako kuoten baturak, igoera bat izanen du, karga osagarri berria likidazio oinarri horiei aplikatuzetik sortutakoa adinakoa. Karga horrek bi eskala berri ditu eta haietako bakoitza aplikatuko zaio, hurrenez hurren, likidazio oinarri orokorrari eta aurrezkiaren likidazio oinarri bereziari.

Aurreko igoerarekin bat, lehen artikuluko hirugarren idatz-zatiak aldaketak ezarri ditu lan etekin orokorren eta Administrazio Kontseiluetako kideen lansarien gaineko atxikipen portzentajeen tauletan. Artikuluaren laugarren idatz-zatiak aldatu egiten ditu atxikipenen eta konturako diru-sarriren portzentaje batzuk, bestelako errenten gainekoak, hala nola: kapital higigarriaren etekinak, inbertsio kolektiboko erakundeetako akzioen eta partaide-tzen eskualdatzeen edo errenboltsoen ondoriozko ondare gehikuntzak, eta ondasun higiezinaren errentamenduetatik eta azpierrrentamenduetatik heldu diren etekinak, besteak beste.

Azkenik, laugarren idatz-zati horretako edukia-ekin bat, bigarren artikulua Sozietateen gaineko Zergari buruzko abenduaren 30eko 24/1996 Foru Legea aldatzen du, zerga honen atxikipenen eta konturako diru-sarriren portzentaje berriak ezartzeko.

Haren izaera kontuan hartuta, eta foru lege proiektu honen ondorioek lehenbailehen isla izan dezaten aurrekontuetan, Nafarroako Parlamentuko Erregelamenduaren Testu Bateginaren 158. artikuluan xedatutakoaren babesean, Parlamentuko Osoko Bilkuran zuzenean eta irakurketa bakarrean tramitatzeko asmoa dago.

Lehenengo artikulua. Pertsona Fisikoen Errentaren gaineko Zergari buruzko Foru Legearen Testu Bategina aldatzea.

Bat. Ekainaren 2ko 4/2008 Legegintzako Foru Dekretuaren bidez onetsi zen Pertsona Fisikoen Errentaren gaineko Zergari buruzko Foru Legearen Testu Bateginaren 59.1 artikulua aldatu da. 2012an, foru lege honek indarra hartu ondoren, eta 2013an amaitzen diren zergaldietan izanen ditu ondorioak.

“1. Likidazio-oinarri orokorrari ondoko eskalan adierazten diren karga-tasak aplikatuko zaizkio:

Likidazio-oinarria, gehienez ere (euroak)	Kuota osoa (euroak)	Oinarriaren gainerakoa (euroak)	Tasa aplikagarria portzentajea
		3.825	13
3.825	497,25	4.674	22
8.499	1.525,53	9.027	25
17.526	3.782,28	13.279	28
30.805	7.500,40	14.675	36
45.480	12.783,40	7.927	40
53.407	15.954,20	34.593	42
88.000	30.483,26	37.000	43
125.000	46.393,26	Gainerakoa	44

Bi. Ekainaren 2ko 4/2008 Legegintzako Foru Dekretuaren bidez onetsi zen Pertsona Fisikoen Errentaren gaineko Zergari buruzko Foru Legearen Testu Bateginari berrogeigarren xedapen gehigarria gehitzea. 2012an, foru lege honek indarra hartu ondoren, eta 2013an amaitzen diren zergaldietan izanen ditu ondorioak.

“Berrogeigarren xedapen gehigarria. Pertsona fisikoen errentaren gaineko zergan aldi baterako karga osagarri bat ezartzea.

58. artikuluan aipatzen den zergaren kuota osoak zenbateko hauek adinako igoera izanen du:

a) 59. artikuluan aipatzen den likidazio-oinarri orokorrari ondoko eskalan ageri diren karga-tasak aplikatuzetik sortutakoa:

Likidazio-oinarria, gehienez ere (euroak)	Kuota osoaren igoera (euroak)	Oinarriaren gainerakoa (euroak)	Tasa aplikagarria portzentajea
		3.825	0
3.825	0,00	4.674	0,5
8.499	23,37	9.027	0,5
17.526	68,50	13.279	1,50
30.805	267,69	14.675	2,00
45.480	561,19	7.927	2,50
53.407	759,37	34.593	3,00
88.000	1.797,16	37.000	3,50
125.000	3.092,16	50.000	4,00
175.000	5.092,16	125.000	4,50
300.000	10.717,16	Gainerakoa	5,00

b) 60. artikuluan aipatzen den aurrezkiaren likidazio-oinarri bereziari ondoko eskalan ageri diren karga-tasak aplikatuzetik sortutakoa:

Likidazio-oinarria, gehienez ere (euroak)	Kuota osoaren igoera (euroak)	Oinarriaren gainerakoa (euroak)	Tasa aplikagarria portzentajea
0,00	0,00	6.000,00	1
6.000,00	60,00	18.000,00	3
24.000,00	600,00	Likidazio oinarriaren gainerakoa	5

Zerga araudian 59. artikuluko eskala edo tarifa-ren aplikazioa aipatzen denean, eskala hori karga osagarria gehituta aplikatuko da.”

Hiru. Ekainaren 2ko 4/2008 Legegintzako Foru Dekretuaren bidez onetsi zen Pertsona Fisikoen Errentaren gaineko Zergari buruzko Foru Legearen Testu Bateginari berrogeita batgarren xedapen

gehiarria gehitzea. 2012an, foru lege honek indarra hartu ondoren, eta 2013an ordaintzen edo abo-natzen diren etekinetan izanen ditu ondorioak.

“Berrogeita batgarren xedapen gehigarria. Lan etekinen gaineko atxikipenen edo konturako diru-sarrereren portzentajea.

1. Atxikipen portzentajeen taula orokorra.

URTEKO ETEKINA EUROTAN	SEME-ALABEN ETA BESTE ONDORENGO BATZUEN KOPURUA										
	Seme- alabarik gabe	1	2	3	4	5	6	7	8	9	10 edo gehiago.
11.250etik gora	4,10	2,00	0,00	0,00	0,00	0,00	0,00	0,00	0,00	0,00	0,00
12.750etik gora	6,20	4,10	2,10	0,10	0,00	0,00	0,00	0,00	0,00	0,00	0,00
14.250etik gora	8,20	6,20	4,10	2,10	0,00	0,00	0,00	0,00	0,00	0,00	0,00
16.750etik gora	10,20	8,20	6,20	4,20	1,10	0,10	0,00	0,00	0,00	0,00	0,00
19.750etik gora	12,30	11,30	9,70	8,20	6,20	4,10	0,10	0,00	0,00	0,00	0,00
23.250etik gora	13,80	12,30	11,80	9,20	8,20	6,20	4,10	0,10	0,00	0,00	0,00
25.750etik gora	14,90	13,40	12,80	10,30	9,70	8,20	6,20	4,10	1,10	0,00	0,00
28.250etik gora	16,00	14,50	13,90	12,40	10,80	9,20	8,20	6,10	4,10	1,10	0,00
32.250etik gora	17,10	15,60	15,10	13,50	12,90	11,30	10,20	8,20	7,20	5,10	2,10
35.750etik gora	18,20	17,20	17,10	14,60	14,00	13,40	12,30	10,30	9,20	7,20	6,10
41.250etik gora	19,40	18,30	18,30	16,70	16,10	15,60	13,50	12,40	11,30	10,20	9,20
48.000tik gora	21,50	21,50	20,90	18,90	18,30	17,70	16,60	15,60	14,50	13,40	12,30
55.000tik gora	24,10	23,50	23,00	21,50	21,50	20,90	19,80	18,70	17,70	16,60	15,00
62.000tik gora	26,10	25,50	24,50	24,50	23,50	22,90	21,90	21,40	19,80	18,70	17,20
69.250etik gora	28,30	27,70	27,20	26,60	25,10	25,00	24,40	22,90	21,80	20,30	19,30
75.250etik gora	29,40	29,40	28,30	27,30	27,20	26,20	26,10	24,50	23,40	22,30	21,30
82.250etik gora	30,50	30,50	30,50	29,40	29,40	28,30	27,70	26,60	25,60	24,50	23,90
94.750etik gora	31,70	31,70	31,70	30,60	30,60	30,50	29,50	28,90	27,80	26,80	25,70
107.250etik gora	33,90	33,90	33,90	32,90	32,30	31,70	31,20	30,10	29,50	28,50	27,40
120.000tik gora	35,10	35,10	34,60	34,00	33,50	32,90	32,40	31,30	30,70	29,70	29,10
132.750etik gora	35,80	35,70	35,20	34,70	34,10	33,60	33,00	32,50	31,90	30,80	30,30
146.000tik gora	36,40	36,40	36,40	35,80	35,30	34,70	34,20	33,60	33,10	32,50	31,90

2. Jardunean izan eta desgaitasuna duten langileei goiko 1. idatz-zatian ezarritako taulan dago-

kien atxikipena eginen zaie, baina ondoko eskalan ageri den koefiziente murriztailea aplikatuta:

Urteko etekinak (euroak)		Elbarritasun maila	
Zenbateko honetatik	Zenbateko honetara	% 33 edo gehiago	% 65 edo gehiago
11.250,01	23.250,00	5	15
23.250,01	41.250,00	3	15
41.250,01	94.750,00	2	8
94.750,01	Hortik gora	2	5

Eskala horretan agertzen diren murrizketak aplikatzearen ondorioz, ezin izanen da zerotik beherako portzentajerik atera.

Langabeziako prestazioen kasuan, entitate kudeatzaile batek onetsiak betiere, atxikipenetan honako portzentaje hauek aplikatuko dira:

3. Atxikipenen portzentajea, langabeziako prestazioen kasuan.

Urteko atxikipenaren zenbatekoa eurotan	Portzentajea
11.250etik gora	4,10
12.750etik gora	6,20
14.250etik gora	8,20

4. Administrazio Kontseiluetako kideek, kontseilu horien ordeztaritzen diren batzordeetako kideek eta antzeko ordezkari organoetako gainerako kideek, izaera hori dela eta jasotzen dituzten lan-sarien kasuan, atxikipenaren portzentajea % 35ekoa izanen da.

5. Portzentaje horiek erregelamendu bidez aldatzen ahalko dira.”

Lau. Ekainaren 2ko 4/2008 Legegintzako Foru Dekretuaren bidez onetsi zen Pertsona Fisikoen Errentaren gaineko Zergari buruzko Foru Legearen Testu Bateginari berrogeita bigarren xedapen gehigarria gehitzea. 2012an, foru lege honek indarra hartu ondoren, eta 2013an ordaintzen edo abo-natzen diren errentetan izanen ditu ondorioak.

“Berrogeita bigarren xedapen gehigarria. Hona-koen gainean egin beharreko atxikipenaren edo konturako diru-sarreraren portzentajea: ondasun higigarrien kapitalaren etekinak, inbertsio kolektiboko erakundeetako akzioen edo partaidetzen eskualdatzeen edo errenboltsoen ondoriozko ondare gehikuntzak, sariak, ondasun higiezinen errentamendu eta azpierrementuak, irudi eskubidearen lagapena, eta ondasun higigarrien kapitalaren bestelako etekin batzuk.

El porcentaje de retención o del ingreso a cuenta a practicar sobre los rendimientos o retribuciones del capital mobiliario, sobre los incrementos patrimoniales derivados de transmisiones o reembolsos de acciones y participaciones de instituciones de inversión colectiva, sobre premios, sobre arrendamientos y subarrendamientos de inmuebles, sobre los rendimientos de la cesión del derecho a la explotación del derecho de imagen, sobre los rendimientos de la propiedad intelectual, industrial, de las prestaciones de asistencia técnica, y del arrendamiento o subarrendamiento de bienes muebles, negocios o minas, será del 20 por 100. Ondasun higigarrien kapitalaren etekin edo ordainsarrietan, inbertsio kolektiboko erakundeetako akzioen edo partaidetzen eskualdatzeen edo errenboltsoen ondoriozko ondare gehikuntzetan, sarrietan, ondasun higiezinen errentamendu eta azpierrementuetan, irudi eskubidea ustiatzeko eskubidearen lagapenaren etekinetan, jabetza intelektualaren edo industrialaren ondoriozko etekinetan, laguntza teknikoko prestazioen etekinetan eta ondasun higigarrien, negozioen edo meategien errentamenduaren edo azpierrementuaren ondoriozko etekinetan egin beharreko atxikipenaren edo konturako diru-sarreraren portzentajea % 20koa izanen da.

Ehuneko hori erregelamendu bidez aldatzen ahalko da.”

Bigarren artikulua. Sozietateen gaineko Zergari buruzko abenduaren 30eko 24/1996 Foru Legearen aldaketa.

Sozietateen gaineko Zergari buruzko abenduaren 30eko 24/1996 Foru Legeari hogeita zazpigarren xedapen gehigarria erantsi zaio. 2012an, foru lege honek indarra hartu ondoren, eta 2013an ordaintzen edo abonatzen diren errentetan izanen ditu ondorioak.

“Hogeita zazpigarren xedapen gehigarria. Atxikipenaren edo konturako sarreraren portzentajea. Orokorrean, egin beharreko atxikipenaren edo konturako diru-sarreraren portzentajea % 20koa izanen da.

Ehuneko hori erregelamendu bidez aldatzen ahalko da.”

Azken xedapen bakarra. Indarra hartzea.

Foru lege honek Nafarroako Aldizkari Ofizialean argitaratu eta biharamunean hartuko du indarra, legean berean aurreikusitako ondorioekin.

E saila:
JABELDURAK, MOZIOAK ETA ADIERAZPEN POLITIKOAK

Mozioa. Horren bidez, Nafarroako Gobernua premiatzen da urriaren 6ko 1/2011 Foru Dekretu-legearen aurretik zegoen bateragarritasunari euts diezaion mendetasunerako laguntzetan.

GIZARTE POLITIKA, BERDINTASUN, KIROL ETA GAZTERIA BATZORDEAK BAZTER UTZIA

Txema Mauleón Echeverría jaunak ondoko mozioa aurkeztu zuen: "Mozioa. Horren bidez, Nafarroako Gobernua premiatzen da urriaren 6ko 1/2011 Foru Dekretu-legearen aurretik zegoen bateragarritasunari euts diezaion mendetasunerako laguntzetan".

Legebiltzarreko Gizarte Politika, Berdintasun, Kirol eta Gazteria Batzordeak, 2012ko urtarrilaren

26an egindako Osoko Bilkuran, erabaki zuen aurkeztutako mozioa baztertzea. Mozio hori 2011ko abenduaren 16ko 38. Nafarroako Parlamentuko Aldizkari Ofizialean argitaratu zen.

Iruñean, 2012ko urtarrilaren 26an

Lehendakaria: Alberto Catalán Higuera